

14. 06. 2017
Štimac

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu politiku,
raseljena lica i izbjeglice



Bosnia and Herzegovina
Federation of Bosnia and Herzegovina
CANTON SARAJEVO
Ministry of Labour, Social Policy,
Displaced Persons and Refugees

Broj: 13-04/2-02-19315/17
Sarajevo, 12.06.2017.godine

Na osnovu člana 76. stav 2. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst i 38/16),
Ministarstvo za rad, socijalnu politiku, raseljena lica i izbjeglice Kantona Sarajevo, donosi

ODLUKU

**O DAVANJU SAGLASNOSTI NA PRAVILA O IZMJENAMA I DOPUNAMA PRAVILA
KANTONALNE JAVNE USTANOVE „DISCIPLINSKI CENTAR ZA MALOLJETNIKE“**

I

Daje se saglasnost na Pravila o izmjenama i dopunama Pravila Kantonalne javne ustanove „Disciplinski centar za maloljetnike“ broj: 35-01-02-266-01/17 od 18.05.2017. godine, koji je Upravni odbor ove ustanove donio Odlukom broj: 35-01-02-266/17 od 18.05.2017. godine.

II

Ova odluka stupa na snagu danom donošenja.

Pripremio:

Zoran Timarac, šef odjeljenja

Kontrolisao:

Nuriya Hodžić, pomoćnik ministricę

Dostaviti:

- Kantonalna javna ustanova „Disciplinski centar za maloljetnike“
- Ulica Jukićeva bb,
- Direktoru,
- Upravnom odboru,
- Nadzornom odboru,
- A/a.



MINISTRICA
Anela Dautbegović
Anela Dautbegović



web: <http://mrsri.ks.gov.ba>

e-mail: mrsri@mrsri.ks.gov.ba

Tel: + 387 (0) 33 562-089, Fax: + 387 (0) 33 562-090

Sarajevo, Reisa Džemaludina Čauševića 1



Na osnovu člana 27. stav 1 alineja 1. a u vezi sa članom 37. Zakona o Ustanovama („Službeni list R BiH“ 6/92, 8/93, 13/94) i člana 13. Odluke o osnivanju KJU „Disciplinski centar za maloljetnike“ („Službene novine Kantona Sarajevo“ broj: 20/04, 31/07, 30/08, 21/12, 5/13, 11/13 – Ispravka i 2/17), Upravni odbor KJU „Disciplinski centar za maloljetnike“ na svojoj 33. sjednici održanoj dana 18.05.2017. godine donosi:

P R A V I L A
o izmjenama i dopunama Pravila Kantonalne javne ustanove “Disciplinski centar za maloljetnike”

Član 1.

U Pravilima Kantonalne javne ustanove “Disciplinski centar za maloljetnike” broj 35-01-02/14 od 25.07.2014. godine mijenja se naziv Ustanove: „Kantonalna javna ustanova “Disciplinski centar za maloljetnike” (u daljem tekstu: Disciplinski centar)“ i glasi: „Kantonalna javna ustanova „Odgojni centar Kantona Sarajevo“ (u daljem tekstu: Odgojni centar).“

Član 2.

U cijelom tekstu Pravila riječ: „zaposlenik“ zamjenjuje se riječju: „radnik“.

Član 3.

U članu 2. iza brojeva: „5/13“ dodaje se: „11/13 – Ispravka i 2/17“.

Član 4.

Član 3. mijenja se i glasi:

„Član 3.

Naziv Odgojnog centra je: Kantonalna javna ustanova „Odgojni centar Kantona Sarajevo“.

Skraćeni naziv je: KJU Odgojni centar.“

Član 5.

U članu 4. riječi: „Hamdije Čemerlića br. 19“ zamjenjuju se riječima: “Jukićeva bb“.

Član 6.

U članu 6. u stavu 2. riječi: KJU „Disciplinski centar za maloljetnike“ zamjenjuju se riječima: „KJU „Odgojni centar Kantona Sarajevo“. “

Član 7.

U članu 10. stav 2. pod b) iza riječi: „Program rada“ dodaju se riječi: „i Finansijski plan“.

Član 8.

Član 14. mijenja se i glasi:

„Djelatnost Odgojnog centra je izvršavanje odgojne mjere upućivanja u Odgojni centar, izrečene od strane nadležnog suda maloljetnom učinocu krivičnog djela, na način propisan zakonom.

Odgojni centar vrši dijagnostiku i opservaciju maloljetnih osoba tokom sudskog postupka prema naredbi nadležnog tužiteljstva ili suda.

Odgojni centar osigurava prihvata i privremeni smještaj maloljetnih osoba tokom pripremnog postupka, ukoliko o tome odluči nadležni sud.

U okviru Odgojnog centra može se formirati Prihvatište za djecu i maloljetnike čiji je osnovni zadatak prihvata, privremeno zbrinjavanje i opservacija, a u koje maloljetnik u skladu sa Zakonom o zaštiti i postupanju sa djecom i maloljetnicima u krivičnom postupku ("Službene novine Federacije BiH", broj 7/14) može biti smješten prema odluci nadležnog suda umjesto pritvora.

U okviru Odgojnog centra formirana je organizaciona jedinica, fizički odvojena od drugih organizacionih jedinica ove Ustanove, koja obavlja poslove vezano za zbrinjavanje djece do 18 godina starosti koja se nalaze u riziku, dok se ne steknu uvjeti za osnivanje posebne ustanove u kojoj će se obavljati ovi poslovi.

JU „Kantonalni centar za socijalni rad“ kao organ starateljstva, radi zaštite najboljeg interesa djeteta, a na prijedlog Stručnog tima, rješenjem može odlučiti o njegovom smještaju u organizacionu jedinicu iz stava 5. ovog člana i bez pristanka roditelja, koje može trajati najduže dva mjeseca.

Žalba na rješenje iz stava 6. ovog člana ne odlaže izvršenje rješenja i izjavljuje se Kantonalnom ministarstvu.

Organizaciona jedinica iz stava 5. ovog člana može vršiti poslove dnevnog zbrinjavanja djece na dobrovoljnoj osnovi.

Troškovi zbrinjavanja i smještaja djece u organizacionoj jedinici iz stava 5. ovog člana osiguravaju se iz Budžeta Kantona Sarajevo na poziciji Kantonalnog ministarstva predviđenoj za tu namjenu, budžeta općina, donacija, legata, poklona i drugih izvora prihoda u skladu sa propisima.“

Član 9.

U članu 27. stav 2. mijenja se i glasi:

„Upravni odbor se sastoji od pet članova od kojih se četiri imenuju iz reda Osnivača ustanove, a jedan iz reda stručnih radnika zaposlenih u ustanovi.“

Član 10.

U članu 37. dodaje se stav 1. koji glasi:

„Uslovi za imenovanje direktora Odgojnog centra utvrđuju se na osnovu Zakona o ustanovama, Zakona o socijalnoj zaštiti, zaštiti civilnih žrtava rata i zaštiti porodice sa djecom i Pravila Odgojnog centra.“

Dosadašnji st. 1., 2, 3. i 4. postaju st. 2., 3., 4. i 5.

Član 11.

U članu 43. st. 2. i 3. zamjenjuju se stavom koji glasi:

„Nadzorni odbor se sastoji od tri člana, od kojih se dva imenuju iz reda Osnivača ustanove, a jedan iz reda stručnih radnika zaposlenih u ustanovi.“

Član 12.

Pravila o izmjenama i dopunama Pravila KJU „Disciplinski centar za maloljetnike“ stupaju na snagu danom dobijanja saglasnosti Ministarstva za rad, socijalnu politiku, raseljena lica i izbjeglice Kantona Sarajevo.

Član 13.

Sve ostale odredbe Pravila broj 35-01-02/14 od 25.07.2014. godine ostaju na snazi.

Član 14.

Najkasnije u roku od 60 dana od dana stupanja na snagu ovih Pravila izvršit će se usklađivanje Opštih akata Ustanove sa odredbama ovih Pravila.



Broj: 35-01-02-266-01/17
Datum: 18.05.2017.



KJU "Disciplinski centar za maloljetnike"

CPI "Disciplinary center for juveniles"

Broj: 35-01-02-266/17
Sarajevo, 18.05.2017.godine

Na osnovu člana 27.stav1.alineja 6 Zakona o Ustanovama („Službeni list R BiH“ broj 6/92, 8/93 i 13/94) i Odluke o izmjenama Odluke o osnivanju KJU „Disciplinski centar za maloljetnike“ broj 01-05-36518/16 od 28.12.2016.godine Upravni odbor KJU Disciplinski centar za maloljetnike na svojoj 33. sjednici održanoj 18.05.2017. godine **donosi**,

ODLUKU

I

Upravni odbor KJU Disciplinski centar za maloljetnike donosi Pravila o izmjenama i dopunama Pravila KJU „Disciplinski centar za maloljetnike“.

II

Pravila o izmjenama i dopunama Pravila KJU „Disciplinski centar za maloljetnike“ stupaju na snagu danom donošenja, te se dostavljaju na saglasnost Ministarstvu za rad, socijalnu politiku, raseljena lica i izbjeglice Kantona Sarajevo.

Dostaviti:

- Ministarstvo za rad, socijalnu politiku, raseljena lica i izbjeglice KS
- a/a



e-mail: disciplinsicentar@mail.com
Tel:+387 (0) 33 200-425,Fax:+387(0)33200-424
Sarajevo, Jukićeva bb.

